

आकाशवाणी

खबरां ---

1 झारखंड च विधानसभा चुनां दे पैहले गेड़ लेई प्रचार अज्ज सम्पन्न होई गेआ जित्थे अतरूं 13 नवंबर गी 43 विधानसभा सीटें पर मतदान होग।

2 11 राज्यें च फैली दिएं 33 विधानसभा सीटें ते केरल दी वायनाड लोकसभा सीट लेई बी चुनां प्रचार अज्ज सम्पन्न होई गेआ।

3 जस्टिस संजीव खन्ना होरें अज्ज भारत दे 51में प्रधान न्याधीश दे रूपै च सगंध चुक्की।

4 प्रधानमंत्री नरेंद्र मोदी होरें आखेआ ऐ जे भारत दे नौजोआनें दी छमता ते समर्था दिक्खिए अज्ज पूरी दुनिया रहान होआ करदी ऐ।

5 केंद्री बपार ते उद्योग मंत्री होरें घोशणा कीती ऐ जे IIFT दा नमां कैपस दुबई च खुल्लोग।

<><><><><><>

Jharkhand-PM

बीजेपी दे सीनियर लीडर ते प्रधानमंत्री नरेंद्र मोदी होरें पार्टी कार्जकर्ताएं गी झारखंड च हेमंत सरकार गी पुट्टी सुट्टने दा आह्वान कीता ऐ। अज्ज मेरा बूथ सबसे मजबूत कार्यक्रम राएं पार्टी कार्जकर्ताएं गी संबोधित करदे होई मोदी होरें दोश लाया जे झारखंड मुक्ति मोर्चा ते कांग्रेस दा गठबंधन नै माड़े प्रशासन, भ्रष्टाचार ते माफियावाद गी बढ़ावा दिता ऐ। प्रधानमंत्री होरें आखेआ जे राज्य च समृद्धि दे बावजूद विकास दी कमी ऐ ते बेरोजगारी बेइंतहा बधी गेदी ऐ। तोआई झारखंड मुक्ति मोर्चा दे वरिष्ठ नेता ते मुखमंत्री हेमंत सोरेन नै दोश लाया जे एनडीए दे कार्जकाल च झारखंड दी अनदिक्खी कीती गई ऐ। पलामू दे हुसैनाबाद च चुनावी रैली गी संबोधित करदे होई उनें आरोप लाया जे एनडीए सरकार नै राज्य दिएं केई महत्वकांक्षी योजनाएं गी बंद करी दिती ऐ। झारखंड च पैहले गेड़ दा मतदान अतरूं 13 नवंबर गी होना ऐ ते अज्ज संझा इस गेड़ लेई चुनां प्रचार खत्म होई गेआ ऐ।

<><><><><><>

Jharkhand-Campaign

चुनां प्रचार दे खीरले रोज अजज बक्ख-बक्ख पार्टिएं दे बड्डे-बड्डे नेताएं अपने मेदवारें दे हक्कै च प्रचार कीता। अज्ज उआं प्रचार संझा 5 बजे तोड़ी चलेआ जिसले जे नक्सल प्रभावित इलाके च संझा 4 बजे खत्म होई गेआ। पैहले गेड़ अतरूं 43 विधानसभा सीटें पर मतदान होना ऐ ते इस गेड़ लेई 200 कोला मतियां चुनां रैलियां सियासी दलें आसेआ कीतिआं गेइयां न। तोआई चुनां पार्टिएं गी मतदान केंद्रें पर भेजना शुरू होई गेदा ऐ।

<><><><><><>

Rajasthan-Campaigning

तोआई राजस्थान च विधानसभा दिएं 7 सीटें पर उपचुनां लेई प्रचार अज्ज संझा सम्पन्न होई गेआ। कांग्रेस, बीजेपी ते होरनें पार्टिएं दे नेताएं मेदवारें दे हक्कै च प्रचार च अपना पूरा जोर लाई दिता। चुनां प्रचार मुक्कने दे बाद हून मेदवार घर-घर जाइयै लोकें गी वोट देने लेई अपील करडन। चुनां कर्मिएं गी कल बड्डलै मतदान केंद्रें लेई खाना कीता जाग। चुनां बुधवारें बड्डलै 7 बजे शुरू होग ते शामी 6 बजे तोड़ी चलोग।

<><><><><><>

Kerala-Congress

तोआई, केरल च बी अतरुं वायनाड लोकसभा लेई होने आहले उप चुनां मतदान लेई प्रचार अज्ज सम्पन्न होई गेआ। बुधवारें वायनाड लोकसभा सीट दे अलावा 11 होरनें राज्यें च 33 विधानसभा सीटें लेई उपचुनां बी होना ऐ जिंदे च राजस्थान च 7, पच्छम बंगाल च 6, असम च 5, बिहार च 4, कर्नाटक च 3 ते मध्य प्रदेश दे सिक्कम च 2-2 सीटें पर बी मतदान होना ऐ। एहदे अलावा केरल, छत्तीसगढ़,, गुजरात ते मेघालय च बी इक-इक असैम्बली सीट लेई मतदान होना ऐ।

<><><><><><>

Shah-Projects

केंद्री गृह मंत्री अमित शाह हुंदे नेतृत्व आहली उच्ची सतह दी समिति नै छत्तीसगढ़, ओडिशा ते पच्छम बंगाल लेई कोई 726 करोड़ रपे दिएं त्रै परियोजनाएं गी मंजूरी दिती ऐ। राज्य च अग्ग स्हालने आहिलिएं सेवाएं दे विस्तार ते आधुनिकीकरण दे तैहत एह परियोजना मंजूर कीतिआं गेइयां न। गृह मंत्रालय दे बयान मूजब इंदे च छत्तीसगढ़ लेई

लगभग 148 करोड़, ओडिशा लेई 201 करोड़ ते पच्छिम बंगाल लेई 377 करोड़ रपे दी लागत आहिलियां परियोजनां शामिल न। सरकार नै इस पैहल लेई राश्ट्रीय आपदा मोचन कोष चा कुल 5 ज्हार करोड़ रपे दी रकम उपलब्ध कराई ऐ।

<><><><><><>

NHRC-Programme

मनुक्खी अधिकारें सरबन्धी राश्ट्री आयोग अज्जै थमां विदेश मंत्रालय दे सैहयोग कन्नै नमीं दिल्ली च 6एं दिनें दा भारती तकनीकी ते आर्थिक सैहयोग कार्यकारी समर्थ निर्माण कार्यक्रम शुरू करोग। एह कार्यक्रम 16 नवम्बर तगर चलोग। इस कार्यक्रम च मालदीव, नेपाल, श्रीलंका ते थाइलैंड सने 8एं मुल्खें दे मनुक्खी अधिकारें सरबन्धी राश्ट्री संस्थानें दे आला अधिकारी ते होर दुए लोक बी हिस्सा लैडन। आयोग नै आखेआ ऐ जे इस कार्यक्रम दा मकसद बक्ख-बक्ख खेतरें च मनुक्खी अधिकारें गी प्रोत्साहन, संरक्षण ते मजबूती देना ऐ।

<><><><><><>

51st CJI-Oath

जस्टिस संजीव खन्ना होरें अज्ज भारत दे 51में प्रधान न्यायाधीश दे तौर पर औहदधे दी सगंध चुक्की। राष्ट्रपति द्रौपदी मुर्मु होरें उनें गी अज्ज राष्ट्रपति भवन च लोआए गेदे इक समारोह दरान औहदधे दी सगंध चुकाई। जस्टिस खन्ना होरें गी पैहली बारी सन 2005 च दिल्ली हाई कोर्ट च बतौर एडीशनल जज नियुक्त कीता गेआ हा ते 2006 च ओह स्थाई जज बने हे। एहदे परैन्त जनवरी 2019 च उंदी नियुक्ति सुप्रीम कोर्ट च होई ते अज्ज ओह भारत दे 51में प्रधान न्यायाधीश बनी गेन। उनें एह औहदधा जस्टिस डी.वाई. चंद्रचूड़ हुंदे थमां सांभेआ ऐ जिंदा कार्यकाल कल खत्म होई गेआ।

<><><><><><>

PM-CJI

प्रधानमंत्री नरेंद्र मोदी होरें न्यायमूर्ति संजीव खन्ना होरें गी अज्ज भारत दे 51में मुख न्यायाधीश दे तौर पर सगंध लेने लेई मुबारकबाद दिती। इक सोशल मीडिया पोस्ट च मोदी होरें आखेआ जे उनें न्यायमूर्ति संजीव खन्ना हुंदे शपथ ग्रहण समारोह च हिस्सा लैता। उनें अपनियां शुभकामनां दितियां।

<><><><><><>

PM-Swami-Narayan

प्रधानमंत्री नरेंद्र मोदी हों आखेआ ऐ जे पूरी दुनिया भारतीय युवां दी क्षमता प्रति आकर्षित ऐ। उनें आखेआ जे अज्ज दुनिया दे ज्यादातर नेता एह मेद करदे न जे उंदे मुख्य च कुशल जनशक्ति भारत दे हुनरमंद नौजोआन कम्म करन। मोदी हों अज्ज स्वामीनारायण मंदर दी 200मीं बरे गंड दे मौके पर आयोजित कार्यक्रम गी संबोधित करा रदे हे। उनें आखेआ जे भारत दे नौजोआनें दी वैश्विक मंग होर बढने आहली ऐ। मोदी हों आखेआ जे विकसित भारत आस्तै युवां गी सशक्त बनाना होग ते कुशल युवा मुख्य दी सब्बनें थवां बड्डी ताकत बनडन। दगुजरात दे बडताल च आयोजित कार्यक्रम गी वीडियो कांफ्रेंसिंग राएं संबोधित करदे होई एह गल्ल आकखी। प्रधानमंत्री हों देशवासिएं सोयां विकसित भारत दे नजरिए गी अपनाने ते अगले 25 बरें च इसी हासल करने च सक्रिय तौर पर योगदान देने दा आग्रह कीता। उनें कुशल श्रमिकें दी इक नमीं पीढ़ी विकसित करने आस्तै सरकार दे महत्वपूर्ण जत्नें गी बी उजागर कीता। गुजरात च वडताल मंदर दे 200 बरे पूरे होने दे सरबंध्य च आयोजित समारोह च हिस्सा लैने लेई मुख्य भरै थवां ज्हारां बद्दे

श्रद्धालु उत्थे पुज्जे। एह् महोत्सव 7 तरीक गी शुरू होआ ते 15 नवंबर तगर चलोग।

<><><><><><>

Jaishankar-India Russia

विदेश मंत्री डॉ. एस. जयशंकर होरें भारत ते रूस बश्कार बपार सरबंधें गी मजबूत बनाने दी जरूरता पर लौ पाई। ओह् मुम्बई च भारत-रूस बिजनेस फोरम च मुख् भाषण देआ रदे हे। इस मौके पर रूस दे उप प्रधानमंत्री डेनिस मंटुरोव ते होर दुए मन्ने-परमन्ने दे लोक मौजूद हे। जयशंकर होरें दस्सेआ जे फिलहाल दौनें मुख् बश्कार 66 अरब डालर दा आंकड़ा पार करी जाग। जयशंकर होरें आखेआ जे दौनें मुख् यातायात बैंकिंग ते माली आदान-प्रदान जनेह् क्षेत्र कन्ने जुड़े दे मुद्दे दे हल आस्तै कम्म करा रदे हे। उनें भरोसा दिता जे तौले गै इक ऐसा हल कइडेआ जाग जेदे च दौनें पक्ख सहमत होन।

<><><><><><>

Japan

जपान च प्रधानमंत्री शिगेरु इशिबा ते उंदे मंत्रीमंडल नै इस्तीफा देई दिता ऐ। मंत्रिं अज्ज बइउलै मंत्रीमंडल दी बैठक च अपने इस्तीफे

सौंपे। एह फैसला ऐसे समें च लैता गेआ ऐ जिसले लिबरल डेमोक्रेटिक पार्टी ते कोमीतो आहले इशिबा दे सत्तारूढ़ गठबंधन नै पिछले महीने होए दे आम चुना च अपना बहुमत मोहाई दिता हा।

<><><><><><>

Trump-Putin Call

रूस नै अज्ज उनें खबरें दा खंडन कीता ऐ जिंदे च दावा कीता गेदा ऐ जे पिछले हफ्ते अमरीकी राष्ट्रपति दे चुनां च रिपब्लिकन मेदवार दी जितत दे बाद रूसी राष्ट्रपति व्लादिमीर पुतिन ते अमरीकी राष्ट्रपति डोनाल्ड ट्रम्प बशकार फोन पर कोई गल्लबात होई ऐ। मास्को च इक प्रेस कांफ्रेंस च क्रेमलिन दे प्रवक्ता नै आखेआ जे दौनें नेताएं बशकार अजें तोड़ी कोई गल्लबात नेई होई ऐ।

<><><><><><>

IIFT-Convocation

केंद्री बपार ते उद्योग मंत्री पीयूष गोयल होरें घोशणा कीती ऐ जे भारतीय विदेश बपार संस्थान आई.आई.एफ.टी दा नमां कैंपस तौलें गै दुबई च खोलेआ जाग। अज्ज नमीं दिल्ली च संस्थान दे 57में दीक्षांत समारोह गी वर्चुअल ंगगे नै संबोधित करदे होई पीयूष गोयल होरें

आखेआ जे भारत दे सनैहरे भविक्ख लेई नौजवान स्नातें दी महत्वपूर्ण भूमिका ऐ। मंत्री होरें प्रधानमंत्री हुंदे उस खोआन दा हवाला बी दिता जे भारत दा भविक्ख नौजोआनें दे हत्थें च ऐ ते देश दी युवा पीढ़ी किश बी करी दस्सने दी समर्था रखदी ऐ ते 140 करोड़ देशवासिएं दे भविक्ख गी दिशा देई सकदी ऐ।

<><><><><><><>

COP-29

संयुक्त राष्ट्र दा 29मां सालाना जलवायु परिवर्तन सम्मेलन अजरबैजान दे बाकू च शुरू होआ। माली सम्मेलन दे तौर पर पेश कीते जा करदे 2 हफ्तें दे इस कार्यक्रम च एह यकीनी करने पर विचार कता जा करदा ऐ जे जलवायु बदलाव कन्नै प्रभावित होने आहले सब्बनें थ्वां मते असुरक्षित मुख्यें च एहदे नमें आर्थिक लक्ष्य गी कियां हासल कीता जा। बाकू च भारज जलवायु बदलाव दे सरबंधें च माली बवस्था आस्तै मात्रा दे आधार पर नमां सामूहिक लक्ष्य तैय करने दी मंग करोग। भारत दे आर्थिक सर्वेक्षण 2023-24 च एह सारत दिती गेई ऐ जे पेरिस समझौते दा बचनबद्धता पूरी करने

आस्तै 2030 तगर भारत गी लगभग ँई लक्ख करोड़ डालर रकम दी लोड़ पौग।

<><><><><><>

Murugan-IFFI

भारत दे अंतरराष्ट्री फिल्म महोत्सव दा 55मां संस्करण 20 नवंबर गी गोवा च शुरू होग। अज्ज नमीं दिल्ली च इक प्रेस कांफ्रेंस च सूचना ते प्रसारण राज्यमंत्री डॉ. मुरुगन होरें आखेआ जे आई.एफ.एफ.आई लेई फिल्म निर्माताएं ते दर्शकें दी जबरदस्त प्रतिक्रिया हासल होआ करदी ऐ। उनें आखेआ जे एह दुनिया दे सब्बनें शा बड्डे फिल्म उत्सवें चा इक ऐ ते भारतीय सिनमा देश दी अर्थ बवस्था च बड़ी बड्डी ते महत्वपूर्ण भूमिका निभा करदा ऐ। उनें दस्सेआ जे नमीं प्रतिभाएं दा दिल बधाने लेई इक नमा पुरस्कार, सर्वश्रेष्ठ भारतीय नमां निदेशक पुरस्कार शुरू कीता गेआ ऐ ते इस बरे दा फोकस मुख्य आस्ट्रेलिया ऐ।

<><><><><><>

Sharjan-Book Fair

राष्ट्रीय बुक ट्रस्ट एन.बी.टी नै 43में शारजाह अंतरराष्ट्रीय पुस्तक मेले च भारतीय संविधान दी असल हत्थें नै लिखी दी पांडुलिपी दी

रेपलिका प्रदर्शित कीती ऐ ते भारतीय संविधान दा एह सरूप सब्बनै दे आकर्षण दा केंद्र बनै करदा ऐ। 6 कोला 17 नवंबर तोड़ी चलने आहले इस पुस्तक मेले च भारत दे साहित्य गी बड़ी व्यापकता कन्नै प्रदर्शित कीता गेआ ऐ।

<><><><><><>

Leh-Conclave

केंद्र शासित प्रदेश लद्दाख च सूचना ते जन संपर्क विभाग नै अज्ज लेह च इक रोजा हिमालयी लखारी सम्मेलन दा सरिस्ता कीता। इस कार्यक्रम दा मकसद हिमालयी राज्यें दे सब्बनै लखारिं ते विद्धानें लेई इक सांझा मंच प्रदान करना हा। इस मौके पर डॉ. जामयांग ग्यालत्सन आसेआ लिखी गेदी गैशे इशे थबकास दी जीवनी दा विमोचन बी कीता गेआ।

<><><><><><>